

# Siðareglur birgja SORPU bs.

„Birgir“ merkir hér það fyrirtæki eða einstaklingur sem sér SORPU fyrir vörum eða þjónustu. SORPA gerir þær kröfur að birgjar:

## Barnavinna

Ráði ekki börn undir lögaldri til að framkvæma vinnu sem er hættuleg eða skaðleg heilsu þeirra og öryggi. Taki tillit til löggjafar um barnavinnu í viðkomandi landi.

## Laun og launakjör

Greiði starfsfólki sínu a.m.k. lágmarkslaun eins og gerð er krafa um í lögum og/eða kjarasamningum í viðkomandi landi. Virði lög og reglur um réttindi starfsfólks t.d. til hvíldar, lengd vinnutíma, orlofs, veikindaréttar og annarra launakjara ásamt því hvernig bregðast megi við ef slys ber að höndum.

## Nauðungarvinna

Tryggi að sú vinna sem framkvæmd er af starfsfólki sé unnin af fúsum og frjálsum vilja án nauðungar. Tryggi að öllu starfsfólki sé frjálst að segja upp vinnu sinni og hætta með hæfilegum eða lögbundnum fyrirvara.

## Félagafrelsi og réttur til kjarasamninga

Virði og viðurkenni rétt starfsfólks til félagafrelsis og gerð kjarasamninga. Sé réttur til félagafrelsis og/eða gerð kjarasamninga takmarkaður samkvæmt lögum í viðkomandi landi skulu birgjar heimila starfsfólki að kjósa sér fulltrúa til að verja rétt þeirra á vinnustað.

## Bann við mismunun

Mismuni ekki gegn fulltrúum starfsfólks, stéttarfélögum eða öðrum verkalýðshreyfingum. Skapi starfsumhverfi sem einkennist af jafnrétti, umburðarlyndi og gagnkvæmri virðingu. Mismuni ekki fólki eftir kyni, kynþætti, trúarbrögðum, aldri, fötlun, kynhneigð, þjóðerni, stjórnmálaskoðunum eða öðrum þáttum.

## Heilsa og öryggi

Tryggi starfsfólki sínu heilsusamlegt og öruggt vinnuumhverfi. Fari eftir lögum og reglum viðkomandi lands um aðbúnað á vinnustað og sjái starfsfólki sínu fyrir viðeigandi þjálfun í öryggis- og vinnuverndarmálum. Sjái til þess að starfsfólk þeirra hafi greiðan aðgang að lesefni og/eða leiðbeiningum á vinnustað þar sem farið er yfir með fyrirbyggjandi hætti hvernig forðast beri hættur á vinnustað og hvernig bregðast megi við ef slys ber að höndum.

## Umhverfi

Marki sér stefnu varðandi umhverfismál starfsemi sinnar, vöru eða þjónustu. Þekki umhverfisáhrif starfsemi sinnar og leitist við að draga úr þeim.

## Siðferði í viðskiptum

Vinni ávallt gegn spillingu, þar með talið mútum, kúgun og fjársvikum. Þjóði ekki eða biðji um, krefjist, veiti eða þiggi hverskyns mútur með beinum eða óbeinum hætti, fyrir sjálfa sig eða aðra. Starfi í

samræmi við eðlilega og heilbrigða viðskiptahætti og viðhafi gott siðferði í viðskiptum sínum. Stundi viðskipti í samræmi við lög og reglur í viðkomandi landi.

## Hagsmunaárekstrar

Forðist hverskonar hagsmunaárekstra í viðskiptum sínum við SORPU. Með hagsmunaárekstrum er t.d. átt við þegar fulltrúi birgja setur persónulega hagsmuni, hagsmuni skyldmenna eða vina framar hagsmunum SORPU. Tilkynni SORPU um mögulega hagsmunaárekstra.